

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ԱՆԱՊԱՀՈՎ ԸՆՏԱՆԻՔՆԵՐԻՆ
ՄԱՏԱԿԱՐԱՐՎՈՂ ԲՆԱԿԱՆ ԳԱԶԻ ՍԱԿԱԳՆԻ ՄԱՍՆԱԿԻ ՓՈԽՀԱՏՈՒՑՄԱՆ

1. Սույն կարգով կարգավորվում է 2011 թվականի ապրիլի 1-ից մինչև 2012 թվականի մարտի 31-ը ընկած ժամանակահատվածում Հայաստանի Հանրապետությունում անապահով ընտանիքներին «ՀայՌուզագարդ» փակ բաժնետիրական ընկերության կողմից մատակարարվող՝ Հայաստանի Հանրապետության հանրային ծառայությունները կարգավորող հանձնաժողովի կողմից հաստատված բնական գազի սակագնի մասնակի փոխհատուցման գործընթացը:

2. Հայաստանի Հանրապետության աշխատանքի և սոցիալական հարցերի նախարարությունը «ՀայՌուզագարդ» փակ բաժնետիրական ընկերությանն է տրամադրում բնական գազ սպառող («ՀայՌուզագարդ» փակ բաժնետիրական ընկերության բնակիչ-բաժանորդներ հանդիսացող) անապահով ընտանիքների ցուցակները՝ ըստ բնակության վայրերի (համայնքների)՝ նշելով նրանց անունը, հայրանունը (անձնագրում նշված լինելու դեպքում), ազգանունը, հասցեն, ինչպես նաև բաժանորդային քարտի համարը (Հայաստանի Հանրապետության աշխատանքի և սոցիալական հարցերի նախարարությունում կամ սոցիալական ծառայությունների տարածքային գործակալություններում դրա առկայության դեպքում) և պարբերաբար՝ յուրաքանչյուր ամիս տեղեկացնում է այդ ցուցակներում կատարվող փոփոխությունների մասին:

3. Սույն կարգի 2-րդ կետում նշված անապահով ընտանիքներին «ՀայՌուզագարդ» փակ բաժնետիրական ընկերության կողմից մատակարարվող՝ Հայաստանի Հանրապետության հանրային ծառայությունները կարգավորող հանձնաժողովի կողմից հաստատ-

ված բնական գազի սակագնի մասնակի փոխհատուցումը տրամադրվում է 2011 թվականի ապրիլի 1-ից մինչև 2012 թվականի մարտի 31-ը ընկած ժամանակահատվածում մատակարարված 300 խոր. մետր բնական գազի սպառման մասով, ընդ որում, բնական գազի այդ քանակության համար «ՀայՌուսգազարդ» փակ բաժնետիրական ընկերության կողմից վճարումները գանձվում են Հայաստանի Հանրապետության հանրային ծառայությունները կարգավորող հանձնաժողովի կողմից հաստատված սակագնից նվազեցված գնով՝ ամսական մինչև 10000 խոր. մետր սպառման դեպքում՝ 1000 խոր. մետրի համար 100,0 հազ. դրամի չափով (ներառյալ ավելացված արժեքի հարկը):

4. «ՀայՌուսգազարդ» փակ բաժնետիրական ընկերության համապատասխան տարածքային գազաֆիկացման և գազամատակարարման մասնաճյուղը (այսուհետ՝ տարածքային ստորաբաժանում) սույն կարգի 2-րդ կետում նշված ցուցակների հիման վրա բնակիչ-բաժանորդներին է հանձնում ստորագրված և կնքված՝ սույն կարգի ձևին համապատասխան կազմված կտրոնները՝ երկու օրինակից: Կտրոն ստացած բնակիչ-բաժանորդը սույն կարգի 3-րդ կետում նշված ժամանակահատվածում 300 խոր. մետր բնական գազի սպառման չափաքանակը լրանալուց հետո ստորագրում է կտրոնի մեկ օրինակը և մինչև հաշվետու ամսվան հաջորդող ամսվա 15-ը հանձնում «ՀայՌուսգազարդ» փակ բաժնետիրական ընկերության համապատասխան տարածքային ստորաբաժանում: Կտրոնի օրինակը բնակիչ-բաժանորդի կողմից «ՀայՌուսգազարդ» փակ բաժնետիրական ընկերության համապատասխան տարածքային ստորաբաժանում չհանձնվելու դեպքում սույն կարգի 3-րդ կետում նշված բնական գազի սակագնի մասնակի փոխհատուցումը չի տրամադրվում (համարվում է չտրամադրված), և բնակիչ-բաժանորդը պարտավոր է «ՀայՌուսգազարդ» փակ բաժնետիրական ընկերությանը վճարել սույն կարգի 3-րդ կետում նշված՝ 2011 թվականի ապրիլի 1-ից մինչև 2012 թվականի մարտի 31-ը ընկած ժամանակահատվածում սպառված 300 խոր. մետր բնական գազի քանակության մասով չգանձված գումարը:

5. «ՀայՌուսգազարդ» փակ բաժնետիրական ընկերությունը յուրաքանչյուր եռամսյակի արդյունքներով Հայաստանի Հանրապետության էներգետիկայի և բնական պաշարների նախարարություն է ներկայացնում տեղեկատվություն անապահով ընտանիքների կողմից սպառված բնական գազի համապատասխան քանակության համար մասնակի փոխհատուցման գումարի չափի մասին: Ընդ որում, անապահով ընտանիքների կողմից սպառված բնական գազի համապատասխան քանակության համար մասնակի փոխհատուցման գումարը «ՀայՌուսգազարդ» փակ բաժնետիրական ընկերությանը վճարվում է Հայաստանի Հանրապետության կառավարության 2011 թվականի մարտի 31-ի N 335-Ն որոշման 2-րդ կետի համաձայն:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Կ Տ Ր Ո Ն Ո _____

(օրինակ N___)

2011 ԹՎԱԿԱՆԻ ԱՊՐԻԼԻ 1-ԻՑ ՄԻՆՉԵՎ 2012 ԹՎԱԿԱՆԻ ՄԱՐՏԻ 31-Ը ԸՆԿԱԾ ԺԱՄԱՆԱԿԱԶՏՎԱԾՈՒՄ ՄՊԱՌՎԱԾ 300 ԽՈՐ. ՄԵՏՐ ԲՆԱԿԱՆ ԳԱԶԻ ՄԱՍՈՎ ՄԱԿԱԳՆԻ ՄԱՍՆԱԿԻ ՓՈԽՀԱՏՈՒՑՄԱՆ ՏՐԱՄԱԴՐՄԱՆ

Բնակիչ-բաժանորդի՝ անունը հայրանունը ազգանունը	
Հասցեն՝ մարզը քաղաքը (համայնքը) փողոցը շենքը, բնակարանը	
Բաժանորդային քարտի համարը	
ԳԳՄ (տարածքային ստորաբաժանում)	
Հաշվառքի սարքի ցուցմունքը՝ 2011 թվականի ապրիլի 1-ի դրությամբ	

Սույն կտրոնն ստացած բնակիչ-բաժանորդին «ՀայՌուսգազարդ» փակ բաժնետիրական ընկերության կողմից մատակարարվող՝ Հայաստանի Հանրապետության հանրային ծառայությունները կարգավորող հանձնաժողովի կողմից հաստատված բնական գազի սակագնի մասնակի փոխհատուցումը տրամադրվում է 2011 թվականի ապրիլի 1-ից մինչև 2012 թվականի մարտի 31-ը ընկած ժամանակահատվածում մատակարարված 300 խոր. մետր բնական գազի սպառման մասով, ընդ որում, բնական գազի այդ քանակության համար վճարումները գանձվում են Հայաստանի Հանրապետության հանրային ծառայությունները կարգավորող հանձնաժողովի կողմից հաստատված սակագնից նվազեցված գնով՝ ամսական մինչև 10000 խոր. մետր սպառման դեպքում՝ 1000 խոր. մետրի համար 100,0 հազ. դրամի չափով (ներառյալ ավելացված արժեքի հարկը):

Սույն կտրոնն ստացած բնակիչ-բաժանորդը 2011 թվականի ապրիլի 1-ից մինչև 2012 թվականի մարտի 31-ը ընկած ժամանակահատվածում 300 խոր. մետր բնական գազի սպառման չափաքանակը լրանալուց հետո ստորագրում է կտրոնի մեկ օրինակը և մինչև հաշվետու ամսվան հաջորդող ամսվա 15-ը հանձնում «ՀայՌուսգազարդ» փակ բաժնետիրական ընկերության համապատասխան տարածքային ստորաբաժանում: Կտրոնի օրինակը բնակիչ-բաժանորդի կողմից «ՀայՌուսգազարդ» փակ բաժնետիրական ընկերության համապատասխան տարածքային ստորաբաժանում չհանձնվելու դեպքում բնական գազի սակագնի մասնակի փոխհատուցում չի տրամադրվում (համարվում է չտրամադրված), և բնակիչ-բաժանորդը պարտավոր է «ՀայՌուսգազարդ» փակ բաժնետիրական ընկերությանը վճարել 2011 թվականի ապրիլի 1-ից մինչև 2012 թվականի մարտի 31-ը ընկած ժամանակահատվածում սպառված 300 խոր. մետր բնական գազի դիմաց բնակիչ-բաժանորդից չգանձված գումարը:

_____ ԳԳՄ-Ի ՏՆՕՐԵՆ _____
(ստորագրությունը) (անունը, հայրանունը, ազգանունը)

Բնակիչ-բաժանորդին 300 խոր. մետր բնական գազի մատակարարումը հաստատում եմ՝

_____ ՏԱՐԱԾՔԱՅԻՆ ՍՏՈՐԱԲԱԺԱՆՄԱՆ ՊԵՏ _____
(ստորագրությունը) (անունը, հայրանունը, ազգանունը)

Իմ կողմից 300 խոր. մետր բնական գազի սպառումը և սակագնի սահմանված չափի մասնակի փոխհատուցման տրամադրումը հաստատում եմ՝

ԲՆԱԿԻՉ-ԲԱԺԱՆՈՐԴ _____
(ստորագրությունը) (անունը, հայրանունը, ազգանունը)